

Zitterd, 5 maart 2025



MAROTTE
ZITTERD

Beste Zittesje Vereniging,

De vastelaovend is jaomer genóg alweier veurbie. Mede dankzij uch höbbe veer wederom eine biezonjer sjone vastelaovend gehad, bedank!

Es meziekemise van de Marotte Zitterd zeen veer drök bezig mit de veurbereidinge van 't Zittesj Vastelaovesleidjes Konkoers (ZVK) wat dit jaor wurt gehawte op **27 september** in de optochhal te Zitterd.

Geer zeet es vereniging onlosmakelijk verbónje aan de Zittesje vastelaovend en jeder jaor laot geer weier eur creativiteit, muzikaliteit of betrókkenheid zeen. Daorum wille veer bie uch informeire of d'r enthousiaste leje zeen die daonaeve ouch gaer wille mitdoon aan het ZVK. Geer kènt mitdoon veur de *Marottesjlager* of sjrief eine tèks veur de *Cover* categorie.

De insjrieving veur 't ZVK is vanaaf vandaag geaopend.

Veur de luuj die gaer wille mit doon maar neit weite wo ze mótte beginnen organiseire v'r spesiaal eine **workshop "Vastelaovesleidje sjrieve"** op **zaoterdig 5 april** van 10:30 oere pès 13:00 oer in Schtadt Zitterd. De workshop zal gegaeve waere ism Guus Steinen & Mark Courage. De deelname veur de workshop is **gratis**. Interesse in de workshop? Gaef uch dan op **veur 1 april** via secretaris@marotte.nl

Insjrieve veur 't ZVK kent door 't insjriefformuleier in te vólle dat geer kènt downloaden via marotte.nl

Verzuik om deze brief bènne eure groep te deile. Zeen d'r vraoge, laot 't ós gerös weite.

Veer kieke oet nao nuuj talent bie 't Zittesj Vastelaovesleidjes Konkoers!

Mit de kómplemènte,

Joeri Kalkhoven

De meziekemise De Marotte Zitterd

Marc Verblakt

Petro Willems

Jeroen Laven

Mark Willems

Jan Janssen

Joeri Kalkhoven (Veurzitter)

Sikkertariaat

Posbös 256
6130 AG, Zitterd
secretaris@marotte.nl
www.marotte.nl

Rabobank Zitterd
NL59 RABO 0187 6300 70

K.v.K. Zuid-Limburg
140187093
BTW nómmer
NL.0026.77.250.B01

